

清·沈頤仙撰

遺事瑣談

偉文圖書出版社有限公司印行

行政院新聞局核准登記證 局臺版業字第零伍叁號

遺事瑣談

精裝一冊定價：新台幣 三〇〇・〇〇元
美金 八・〇〇元

出版者：偉文圖書出版社有限公司

撰者：沈 頤 仙

發行所：偉文圖書出版社有限公司

信箱：臺北第六八一—九八一號

電話：五七一四七八五
五八一六九九三

郵撥：第一〇四〇四三號

印刷所：東興美術印刷廠有限公司

臺北市東園街一〇〇巷一四六號

中華民國六十五年九月

(本書係中央圖書館所藏)

Published By Wei-Wen Book & Publishing Co., Ltd.

P. O. Box 68-981 Taipei, Taiwan, R. O. C.

Tel: 5714785, 5816993

遺事瑣談卷之一一作破夢聞談

懷宗紀略

崇禎皇帝為光宗第五子于神宗
生于東宮母貞靜劉賢妃與郭皇后後先厭也
侍皆李氏宮中稱東西以別之神宗以上失母命西李母之既
而西李有公主改命東李于母道脩至上日起拜天退即謁
母李氏調護聖躬成就聖德功莫大焉光宗晏駕熹宗因移宮
事詔諭群臣有曰選侍李氏居勗勤宮善保護皇五弟即謂上
也天啓二年八月二十日封上為信王進李氏為莊妃時魏忠
賢客氏二逆用事莊妃持正齟齬二逆恨之宮中禮數多為二
逆所裁抑莊妃憤懣薨與劉賢妃同園葬天啓六年十二月上
出居信邸初十日行冠禮七年二月初三日冊封元妃周氏后



辛亥三月二十八日子刻生上常夢黑龍蟠殿柱以告莊妃莊妃心異之禁勿言勗勤宮後園有二井相去懸隔上戲于井有金魚隨缶而上鱗鬣綽約光彩炫耀再汲他井亦如之左右心知其祥而不敢言是年八月丙辰熹宗崩碩大行遺詔英國公張惟賢率文武百僚上牋勸進翼日丁巳即皇帝位以明年戊辰為崇禎元年

上聖母妃尊謚為孝純淵靜慈肅毗天鍾聖皇太后冊封元妃周氏為皇后

遷祔聖母于慶陵

上大行皇帝尊謚為熹宗愍皇帝奉張皇后為懿安皇后復熹宗原封成妃裕妃位號

按熹宗東西兩宮之外有王良妃段純妃張裕妃李成妃范

慧妃任容妃裕妃失寵被幽二逆絕其食薨慧妃生懷冲太子封皇貴妃失寵容妃生懷猷太子獨成妃專夕生懷寧公主亦以忤二逆意幾為所殺下又有馮貴人等六人皆以忤二逆為其所殺

加贈李莊妃封號與其弟李國棟以官賜田千頃上念莊妃鞠育勞且與聖母同園葬今因聖母遷祔且愴感舊恩也

召還戚臣張國紀于河北追論劉志選梁夢環謀危先帝中宮之罪

封孝純皇太后弟和陽衛正千戶劉效祖為新樂伯劉繼_祖為錦衣衛都指揮侄劉文炳文燿為錦衣衛指揮同知以皇后父南城兵馬司副指揮周奎為都督同知

五月光宗實錄成

六月十一日追封皇三兄由楫為懷王十二日封皇八妹為樂安公主十三出降駙馬鞏永固

七月十九日奉安孝純皇太后神主于奉先殿

八月選淑女田氏為禮妃表氏為淑妃

封皇后父都督同知周奎為嘉定伯授禮妃父遊擊田弘遇為

錦衣衛指揮淑妃父表佑為錦衣衛正千戶

九月上以樂安公主奏切責駙馬鞏永固恐其不改復送太學教戒之

二年二月初二日上第一子生周皇后出

七月神廟恭恪惠榮和靖皇貴妃鄭氏薨

八月初五日穆廟容妃韓氏薨

九月上立第一子慈照為皇太子

十月二十九日皇長女生

十一月十一日神宗實錄成二十三日葬皇貴妃鄭氏于銀泉山隨命內官監同所司相視穆廟昭順英妃陵園欲窆容妃也

六年上第三子生周皇后出 第四子生田貴妃出

八年上迎孝純皇太后御容入宮初孝純以失先廟意譴堯先

廟中悔又恐神祖知之或加嗔責戒掖庭勿言上即位問左右

以遺像莫能得傳懿妃自言與孝純最習紹言宮人中有眉目

輔類一二頗相似者命善画正恭而酌之可以意圖也圖成其

法駕迎而懸之宮中呼老宮婢詳視之或曰是或曰否是者十

之七否者十之三瀛國徐夫人來覲撫膺大哭上亦諦視悲泣

哀動六宮無不傷感下淚傳懿妃因以得加封號其兄弟亦各

有賞賜上尊號之日群臣奉進冊寶上歎歎悲不自勝上憂勞

天下自傷薄怙無以訴其苦常仰天呼聖母至于下泪後十四年六月瀛國夫人夢后来歸形容舉止一如生平相与言及上事大哭而醒翼晨具表以聞時上憂情聖體不安或不食或蔬食者累月瀛國夫人再三慰安聖意力勸上解加餐兼自珍以慰先皇太皇在天之靈上覽奏感慟竟日

九年九月上第五子生田貴妃出

十四年九月十八日冊封皇三子為定王

十五年三月二十一日冊封皇四子為永王

七月十六日田貴妃薨

九月神廟宣懿康昭劉妃薨

十六年正月初八日神廟和嬪薨

三月初九日樂安公主薨初十日定王行冠礼出閣講學

八月十六日永王行冠禮出閣講學

上經營天下十有七年恭儉似孝文英果類世廟白晳豐下瞻
視威嚴聲若洪鐘裁決萬幾識見敏捷剖判無遲滯讀書日盈
寸手書逼似歐陽率更有文武才善騎射常于御苑試馬從駕
者莫能及講射觀德殿能挽三石弓發輟命中常以黃繩穿石
手擊之曰吾以習勞自強其筋骨耳行郊廟之禮先于宮中散
齋致敬而後出就齋宮既蒞事視容端儼若對越心志凝一手
容莊拳之奉持神氣堅定拜移晷而後起不敢急遽忽畧絕無
懈怠之意此如承大祭之存心也深宮燕居不苟嘖笑教太子
諸王每事準諸禮法左右常御不以喜怒威刑小過必赦無珠
玉玩好以移其心無聲色歌舞以蕩其志無臺池鳥獸以侈其
遊觀萬幾之暇或鼓琴以自娛命中書為譜以進曰此足以娛

心神勝他樂矣。旧事散金銀豆于地，令宮人競拾之，以為笑。上命以枣栗代之。宮中有月宴，有時宴，上令減其費之。三外戚歲時進瓜果，上皆傳免。自初年罷三吳織局，尚方常却澣濯之衣，鞞襪以布為緣，曰：「朕方率天下以去奢返朴，且令諸子知艱難，可弗自身始乎？」覽百司章奏，洞晰情弊，指撻方畧，批駁如見其肺肝。使言者毫無遁情，上書者無不汗流心服，手書口詔告戒中外，動數千言，無不援據詳洽，文切旨明。常夜半小黃門捧黃封下閣門，大臣披衣起讀，中使曰：「上未寢也。」即位之初，崇尚儒術，遵守先王与士大夫型仁講義，欲以隆于三代。未幾禍患大作，詐偽滋生，不得已用權宜行綜覈，以察奸濟變。言者不揣致受譴呵，常自嘆曰：「此非平晝法將以待方，陸無警寬租薄罰，以偕黎元于休息，其奈兵火災荒滿_海至不已。」大臣如温体仁周延

儒之擅權樹党楊嗣昌之妬功憤事楊鶴劉廣生熊文燦陳奇
瑜之婪賄倖功胡廷晏岳和聲朱童蒙喬應甲之貪殘賸耗
寇殃民無不欺君誤國固寵肥家其餘庸鄙之流依違塞責求
其實心同事者指不多屈爰至上下猜疑中外燭亂使上心志
憤懣法令紛更馴至潰敗不可收拾上痛念山陵藩邸重以五
皇子之薨倍加傷感微信灾祥請真人張應寧設醮光明殿以
冀禳灾息禍田貴妃亡後更加鬱鬱不樂曾下詔選擇妃嬪既
而中心其神情之沮喪可知矣又冬至祀太廟忽烈風起于殿
角燎火盡滅不成礼而罷上心惡之還宮頓足嘆曰朕不自意
為亡國之主嗟乎尚何言哉上曰憂軍與墮乏宮中每事節儉
皇后有賢德能仰体聖心正位之初首減椒房用度整勅宮中
儀範裁抑外家恩澤上重其賢伉儷恩甚篤后先世吳人父奎

以繼室丁夫人生后家貧后常躬操作不苟言笑歲時出拜親
戚當之者輒瞑眩不自持貴後乃知其異早歲芝上未常侈于
供奉當熹宗大漸時上之左右皆魏容心腹有異謀懿安皇后
戒上勿食宮中食后乃于外家另作乾糲以進宮中禮數嚴后
不敢以私意壞祖法雖位數年非賜黃不敢服后知大体前
母所生之兄名鑑嘉定伯謂后曰吾他日請于鏡若鉉者為之
後后曰不可長幼失序家難將興國法所在誰敢干之母為此
自敗之道也丁夫人入宮拜畢始行家人禮后見母之為也已
屈也心大不安至于泣下欲太子為謝左右曰此天下主不可
乃已后性慎密常因賊信急微言曰吾性南尚有一家居上問
從何知后曰妾揆其大勢耳因不復語其他政事弗預也田貴
妃秦產也有姑為要人小妻父因以得棄賊妃生而織妍母繼

母也多藝能。妃既長，母教道之入宮。大見幸，性寡言，善伺上指而發，知書善^畫。蘭喜鼓琴，所居如在萬花谷中，香氣馥郁不散。雖盛暑，御礼服無汗。上令吸熱羹試之，亦如常。宮中有夾道上行，幸御蓋行，日中妃令作蘧蔭覆其上。扈從者皆得憩焉。又以宮婢易小黃門之舛已輿者，上聞之，以為得體。宮之西有隙地，妃聚土築一臺，磊石為洞，叅差過詩花藥，張幄坐其旁，邀上奉酒。曰：臣妾自出家，府錢為上築翫月臺也。妃善變易，宮中儀法燕見，首服不副，綃衣五彩，日數更，以自喜也。^家本揚州，上入御之夕，供設多江南玩噐，喜啖諸甘果，不時具進。上舊冠緞鴉青寶石緞，以珠妃易珠，以珮光彩閃爍。宮中之燈，縷金西匿。妃則三分其圍，去一為方空幕，以輕綃更倍明亮。恒以巧思得上意。上偶入宮，聞琴聲，心疑之，問在家何師。妃時對以母授，因請召

母：至与妃一彈再鼓上悅賜而遣之於注宮門籍后雖大度
然嫌妃寵固欲裁之以礼歲節朝見天寒翟車止廡下良久方
御正座受其拜見已即下於重無他言而袁妃之朝也或預傳
免或握手就便座殷懃款洽妃聞恚甚向上泣其父教之上書
引恚中用激詞挑搆上常在交泰殿與后諸語偶批其類后仆地
后憤且慙不食欲自戕左右慰解之太子侍奉不離跬步上尋
悔遣使持貂襜以賜兼問起居后勉為一餐久之上重大体傳
旨諭妃修省退居啓祥宮三月不召后于永和門看花請召妃
上不應后遽以車迎之相見如初後五皇子薨于啓祥宮妃還
居承乾宮亦有病：漸篤上數臨視妃囑托外家兄弟而致上
思之切雖知其妹之美而艷弗問也或曰妃非田氏子妃未常
言及本生田弘遇怙貴妃寵數驕恣妃法上屢誡飭之也亦因

此小被譴皇后為謝乃解淑妃家世寒微性謙和謹慎常語家人曰我家世清貧今列宦族願足矣母与外事令人有後言也其父袁有^佑長厚稱常坐門盤詰無間寒暑不憚勞苦崇信伯費天祿奏其勤勞上嘉加陞二級後授田弘遇例乞恩共部以弘遇有運糧城守功不得以此例上曰為國勤勞其心則一亦授錦衣衛指揮上晏息乾清宮後廡青霞軒常幸御遊者八人名新女子有身即服藥去之不欲多子也故後宮無以位號進者

太子諸王

太子性仁約十歲行冠禮執圭見群臣進必不踰尺寸既講學出居端敬殿上手講官名諸臣進講章上親加刑正太子所讀經書多于宮中誦習書法尤工憑几操管若飛書畢左右用黃封捧之導以朱藤一腰玉大璫隨後送內閣點正既長元旦及

早朝未常不在側凡有誅賞處分事必引之共視教以群臣所
上書多半為人營私解救而故用浮詞以嘗我伺我意旨而後
行其私勿為所欺也上七子太子之同母弟次為懷隱王三年
十月上命成基命捧冊所封故宮稱定王為三王子永王年与
均而体壯大皇五子皇六子皆田貴妃出早薨五皇子之薨于
落祥宮也繇于上之責李武清上之責武清也蒙起于薛國觀
上召對之暇語國觀曰國用匱乏司農所入不足以供所出思
設法借助以紓目下之急國觀曰外廷縉紳臣等能任之內而
戚畹必須睿斷因言武清侯李氏富厚武清侯者慈聖太后之
弟神宗母家也上亦稔聞神祖幼時太后運出內帑之語故為
盡勲最乃傳密旨与武清侯借銀四十萬充餉李氏危懼即有
私藏亦不敢上輸而田園莊屋一時又無人敢買乃盡鬻家中